



Le Signur é mia löm y mia salveza. (Salm 17)

La ploania d'La Pli á tut comié da **Margareth (Eta) Baldissera** (+ 28.12.2017, 73 agn) y ti fej les condolianzes ai familiars por la mort dla so y meda. La vita eterna dá, Signur, y confortela con to lominus!

- **20 C + M + B 18:** en **dedolönesc ai 2 de iener** jará i **Trei Resc** fora por nostes ciases por porté la Bona Noela da Nadé y a damané do ofertes por proiec de solidarieté sora döt le monn.
- **Festa da Nadé:** la Joneza organiseia en **domegna ai 7 de iener na festa dla jont d'La Pli sora i 65 agn.** La festa met man ales 14:00 con na santa messa y jarára spo ennant te Ciasa dles Uniuns pa n renfresch y empü de musiga dal vi.
- **Batadú:** le Consei de Formaziun envieia düc der bel al tradicional batadú de Santabogna, **ai 6 de iener, ales 14:30** (do espi) jö Sotrá.
- **Teater d'La Pli:** l'Uniu dal Teater ten söa **sontada generala ai 7 de iener ales 19:30** sö la Gran Ciasa. Ince düc chi co á enteres da gní pormez é der bel enviés.



enformaziuns y termins

→ **“Diözesane Pilgerfahrten 2018”:** sön plates a pert ciafeise le program dai iadi por sanc dla diozeja. Le program é ince taché fora dan dljia.

Pelegrinaje dles Rites 2018: al ven lascé alessei ales Rites co n'ess por cajo nia ciagé l'invit che por la festa de Santa Rita junse ai 21 – 23 de ma s Cascia. Se anunzié/informé atira, ☎ 335 1019128 o parrochiabadia@libero.it

Comun de Mareo: al ven lascé alessei che le zenter de reziclaje jö n le Gran Pre romagn stlüt la sabeda ai 6 de iener, mo sarál davert le vendres ai 5 dales 8 ales 12.

Sessiun forestala: la staziun dai Verdabosc d'Al Plan lascia alessei che la sessiun forestala por l'ann 2018 gnaré tignida por döt le comune de Mareo en dedemesaledema ai 10 de iener ales 20:00 tla ostaria Sotrá a La Pli. Pa les tematches atuales dal setur dai bosc, munts y economia da munt y dai laurs fac y preodüs por le 2018 y prisc dal lignan, gnarál ince baié dla tematica dai gran predadus salvári, dai raiuns de sconanza dla ciacia y dles consequenzes dal taié lignan con de gran mascinns. Al gnará spo traté domandes por taié lignan y vardé tiers sön pastöra.

A düc canc en Bun Ann de benedisciun, sanité y fortuna!

Döt le bun a: Carlo Kehrer, *Milano* * 02.01.1943
 Albert Vinzenz Pedevilla, *Bornech* * 05.01.1933
 y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



**Laota ti á Idio baié ados a nüsc peri tres i profec;
 mo encö nes ál baié ados a nos tres so Fi.**

☞ Gen 15, 1–6; 21, 1–3 | Ebr 11, 8.11–12.17–19 | Lc 2, 22–40

Dal Vangelo do San Lüca:

²²Por i geniturs de Gejú êl gnü le dé dla purificaziun scrita dant dala lege de Mosé. Ai á condüt le möt a lerúsalem, por le dediché al Signur, ³⁹Canche sü geniturs á fat döt ci che la lege dal Signur scieia dant, éσαι jüs derevers tla Galilea te söa ciüté de Názaret. ⁴⁰Le möt cherscea sö y gnea gaiert; Idio l'implía de sapionza, y söa grazia ea sön el.

Oraziun dal de

Periun! Signur, nosc Dio, tla Santa Familia nes aste scinché n ejempl lominus: dá a nostes families la grazia de vire tal timur de Dio y de sté liades adöm tal amur, ch'i rounse deboriada tla comunité eterna te töa ciasa.

Por nosc Signur Gejú Crist, to Fi, co é Dio y vir y regneia con te t'l'unité dal Spirit Sant por düc i secui dai secui. – Amen.

(Lezionar B)



☞ **Letöres dla festa dal Bato de Gejú:**
Is 55, 1–11 | 1 Jan 5, 1–9 | Mc 1, 7–11

Edema liturgica dai 31.12. ai 07.01.2018

DOM 31.	FESTA DLA SANTA FAMILIA	<i>Silvester, Melanie, Alan</i>
08:30	gran messa por la ploania	<i>oferta por i debojügn dla ploania</i>
	s.m. de ringraziamont por l'ann 2017	
→	2. s.m. de sopoltöra dla † Margareth Baldissera, Roje corona dla comunité	
Lön 01.	OTAVA DE NADÉ, GRAN FESTA DE S. MARIA OMA DE DIO	
	<i>Nanü, De mondial dla pêsc, Wilhelm</i>	
08:30	gran messa ciantada en onú de Santa Maria Oma de Dio por la ploania	♫ <i>Wolfram Menschick, "Missa alla settecento"</i>
Ded 02.	<i>Basile le Gran y Gregor da Nazianz, Dietmar, Mariana</i>	
→ 08:00	s.m. por † Angelo Brandlechner, Gosser	
	s.m. por † Jep Konrater, Biei, al ven mené fora i Trei Resc	
Dem 03.	<i>Sant'Ennom de Gejú, Genofefa</i>	
18:00	<i>s.m. a Al Plan</i>	
Jöb 04.	<i>Angela da Foligno, Angelica, Roger - de d'oraziun do vocaziuns</i>	
19:30	s.m. por † Jep Rigo, Rara	
	s.m. por † Monica Erlacher Kehrer, Kehrer	
Ven 05.	<i>pröm vendres – Milia, Emiliana, Emilie</i>	
	signor ploan va a proveder	
→ 18:45	poscibilité da se pissié	
19:30	s.m. prefestia por † Jep Rovara, Plans	
	s.m. por vis y †† de Anna Konrater ved. Palfrader, Col	
Sab 06.	GRAN FESTA DE SANTABOGNA, Apariziun dal Signur	
	<i>Casper, Marciun, Baldessé, beata Gertrud</i>	
08:30	gran messa ciantada solena por dōta la ploania	
	♫ <i>Karl Kempter, „Pastoralmesse in G”</i>	
14:00	espi da festa y benedisciun eucaristica	
DOM 07.	FESTA DAL BATO DE GEJÚ	<i>Valentin dla Rezia, Raimund da Peñafort, Marie Therese Haze</i>
08:30	gran messa por dōta la ploania	
	s.m. de ringraziamont dal Bato	<i>oferta por i debojügn dla ploania</i>
→ 14:00	s.m. do intenziun dla jont atompada	
<i>ampola:</i>	por la fam. Winkler, Scionele	
<i>ministronc:</i>	▶ da doman y domegna: Eliane Pedevilla y Emilie Rigo ▶ da sera y domegna: Rafael y Cecilia Ellecosta	
<i>i recordun:</i>	Thekla Baldissera ved. Oberbacher, Al Plan	+ 31.12.2009
	Erlacher Irma, Balsan	+ 05.01.2015
	Massimo Topran Cutin	+ 06.01.2016



Desco n terac co porta früc (Lc 2, 22–40)

I ponsi do

Ara á montü man l'aventöra umana de Chelbeldio: Gejú cresc sö te na familia de porsones, na familia normala mo ince speziala, deache ara é entrés arjignada da scuté sö y a meter en pratica la lege dal Signur.

I ne podun nia fá a manco dal afet y dles atenziuns de na familia, dai conseis y dai amonimonc dai geniturs, dal amur y dla comprenjiun por y danter i fredesc... La familia é la pröma zelula dla soziete co ne va nia da sostituí, al é n post essenzial por podei cresce y emparé da vire.

I preii ensciö

Vigne vita umana é desco na somonza, ara cresc y madoresc te n terac bun y fertil, ara á debojügn de aria y de löm.

Te s'as dé la familia, o Signur, por gní al monn, mo dandadöt por cresce te cösc monn, y realisé to proiet. Fá cresce te nos l'amur co i dái, desco linfa vitala, forza y vitalité a nüsc dis. Dasse tan de pazionza, bunté y fidanzia, por che nostes families sii chel bun terac olá che vigne picia porsona pó diventé grana, dan da te y tōa orenté.



Santabogna: Gran Festa dl'Apariziun dal Signur (Mt 2, 1–12)

[...] ⁸Spo i ál orcé a Bétlehem y ti á dit: Jide y enrescide avisa do le möt; y canch'i l'eis cialé, lascémal alessei, por ch'i váis ince iu a l'adoré. ⁹Do cōstes parores dal re, éσαι piēs ia. Y la stera, ch'ai á odü jenn sö, ti jea danfora cina söle post olach'al ea le möt; danló éra stada chita. ¹⁰Canch'ai á odü la stera, ái albü na gran ligreza. ¹¹Ai é jüs ete tla ciasa y á odü le möt y Maria, söa oma; danló s'ai enslené jö y l'á adoré. Spo ái tut fora sü tesurs y ti á ofrí por scincunda or, encionsc y mira. ¹²Mo deach'al ti é gnü racomané tal som, de ne jí nia plü da Eródes, éσαι jüs por n ater tru a ciasa te so paisc.



Da dalunc mo empó dampró (Mt 2, 1-12)

I ponsi do

Personaji misteriusc, i Magi rapresenteia i popui de dōta la tera cherdés da Chelbeldio a conesce Gejú, le su salvator dal monn, y a ti dé a el la scincunda dla vita.

Ince nos sun cherís fora dal Signur a ester desco la stera dal vangelo: mostré le post olá ch'an encunta Gejú, endespré ligreza te chi co met averda a nosta testimonianza.

I preii ensciö

La vita é en iade: le tomp é nosta strada, les dezijiuns y les esperionzes ch'i viun nüsc vari. De ci vers junse pa, Gejú? Che chiriunse pa? Ci segns sunse pa bogna da odei y a cai ti junse pa do sön nosc iade? Engröm de löms y steres fintes tal ci dla vanité s'adurba y s'engiana. Trec Eroses oress se tigní sö por nia se lascé gní da te.

Mo tōa stera é la sora co porta la derta ligreza. Tōa ciasa é la sora olá ch'i podun sté chic a te ciaré, a te veneré y a te scinché na pūra, mo gran scincunda: nosta vita.